



## **BARAZA LA WAWAKILISHI – ZANZIBAR**

### **ORODHA YA SHUGHULI ZA LEO**

#### **BARAZA LA TISA LA WAWAKILISHI**

#### **MKUTANO WA TISA**

**Kikao cha Tano – Tarehe 13 Februari, 2018.**

Kikao Kitaanza Saa 3.00 (Tatu) Asubuhi  
na Dua itasomwa.

#### **I. TAARIFA YA SPIKA:**

#### **II. MASWALI:**

#### **Ofisi ya Rais, Tawala za Mikoa, Serikali za Mitaa na Idara Maalum za SMZ:**

42. MHESHIMIWA OMAR SEIF ABEID (Jimbo la Konde) -  
Atamuuliza Mheshimiwa Waziri wa Nchi, Ofisi ya Rais,  
Tawala za Mikoa, Serikali za Mitaa na Idara Maalum za  
SMZ:

Kwa kuwa kikosi cha JKU kina miradi mbali mbali ya uzalishaji mali kama mashamba kwa ajili ya kilimo, mifugo, ulinzi n.k. Na kwa sababu kikosi cha JKU kinacho kiwanda cha ufundi Seremala Saateni ambacho kilikuwa kinazalisha na kuuza fanicha za aina mbali mbali.

- (a) Je, kiwanda hicho bado kipo na kinafanya kazi kama zamani.
- (b) Je, kiwanda hicho hupokea vijana wangapi kwa mwaka ambao huwapatia ujuzi wa ufundi seremala.

- (c) Je, ni kiasi gani cha fedha kilikusanywa na JKU kutokana na kazi zinazofanywa kiwandani hapo kuanzia mwaka 2015/2017.

**Ofisi ya Rais, Katiba, Sheria, Utumishi wa Umma na Utawala Bora:**

35. MHESHIMIWA OMAR SEIF ABEID (Jimbo la Konde) - Atamuuliza Mheshimiwa Waziri wa Nchi, Ofisi ya Rais, Katiba, Sheria, Utumishi wa Umma na Utawala Bora:

Kwa kuwa siku hizi ndoa nyingi kwa vijana huvunjika muda mfupi baada ya kufungwa, jambo ambalo halipendezi sio tu kwa wazazi wa vijana hao bali hata kwa jamii na Serikali kwa ujumla. Kuvunjika kwa ndoa hizo husababisha upande mmoja wa ndoa hiyo kupata shida ya kutunza familia iwapo mke alishapata mtoto au ujauzito ndani ya ndoa na hatimae huzuka migogoro na kupelekana mahakamani kwa kosa la matunzo au kugombania mtoto.

- (a) Je, Serikali haioni kwamba kutokana na sababu hiyo na nyenginezo ipo haja kwa sasa kuweka sheria itakayoweza kuzilinda ndoa hizo zisivunjike ovyo ovyo kama ilivyokuwa kwa wazee wetu hapo zamani.
- (b) Je, ni ndoa ngapi kwa kipindi cha 2015/2017 ambazo zimeripotiwa kufungwa na talaka zimesajiliwa.
- (c) Je, ni migogoro mingapi ya talaka na madai ya matunzo ya watoto iliyoripotiwa katika Mahkama za Kadhi kwa Unguja na Pemba.

**Wizara ya Ardhi Maji, Nishati na Mazingira:**

18. MHESHIMIWA SULEIMAN SARAHAN SAID (Jimbo la Chake Chake) - Atamuuliza Mheshimiwa Waziri wa Ardhi, Maji, Nishati na Mazingira:

Serikali ya Mapinduzi ya Zanzibar inastahiki pongezi kwa kuleta maendeleo katika miradi ya maji. Hata hivyo, kuna baadhi ya maeneo maji hayapatikani ipasavyo kama mji wa Chake Chake katika eneo la Chanjaani, Matuleni, Chanjamjawiri na Kiziwani Shungi yanayosababishwa na kutokuwepo kwa "reserve tank" lililo juu kwa ajili ya

kusambaza maji maeneo ya mbali na kusababisha mashine za kupandisha maji kufanya kazi kwa muda mrefu na mashine hizo hazichukui muda mrefu huharibika

- (a) Je, katika vijiji hivyo nilivyovitaja vyenye ukosefu wa maji ya ZAWA, Wizara inachukuwa hatua gani za dharura na za muda mrefu ili wananchi hao wapate huduma hiyo.
- (b) Je, kama huduma hiyo inaweza kuwa ngumu kulitatua tatizo kwa haraka, tunaweza tukashirikiana kuwachimbia visima ili kutatua tatizo la maji katika maeneo hayo.
- (c) Eneo la Chake Chake linaonekana kuwa na upotevu wa maji kiholela, kwa tathmini ya ZAWA, asilimia ngapi ya maji hayo yanapotea na hatua gani zimechukuliwa za kuondoa matatizo hayo.

**Wizara ya Kazi, Uwezeshaji, Wazee, Vijana, Wanawake na Watoto:**

14. MHESHIMIWA SAADA RAMADHAN MWENDWA (Nafasi za Wanawake) - Atamuuliza Mheshimiwa Waziri wa Kazi, Uwezeshaji, Wazee, Vijana, Wanawake na Watoto:

Tangu kuanza mabaraza ya vijana na kuanza kuunda vikundi mbali mbali ndani ya sheria nyingi vimeundwa vikundi vya kujiendeleza kimaendeleo na kuwafanya vijana hawa kuwa pamoja ili waweze kubuni mbinu zaidi za kupambana na maisha.

- (a) Je, Wizara imeweza kutembelea vikundi vingapi vya vijana kwa mwaka 2017/2018.
- (b) Ni kiasi gani cha fedha kimetolewa na Serikali kwa Baraza la Vijana kwa mwaka 2017/2018.
- (c) Je, ni vikundi vingapi vimesajiliwa tangu yaanze mabaraza.

**Wizara ya Ujenzi, Mawasiliano na Usafirishaji:**

22. MHESHIMIWA SULEIMAN SARAHAN SAID (Jimbo la Chake Chake) - Atamuuliza Mheshimiwa Waziri wa Ujenzi, Mawasiliano na Usafirishaji:

Katika Sekta ya Usafiri wa nchi kavu hasa usafiri wa taxi, nchi nyingi duniani gari hizo huwekewa rangi maalum na namba maalum ili kuweza kujulikana kwa urahisi na kuwahakikishia usalama wa abiria. Aidha, taxi hizo huwa na mita inayorekodi umbali kwa lengo la kuwaondolea usumbufu wageni na watumiaji wa usafiri huo.

- (a) Je, Serikali ina mpango gani wa kuimarisha usafiri wa taxi ili kuwarahisishia watumiaji wa usafiri huo na usalama wao pamoja na kudhibiti mapato ya Serikali kupitia kodi.
- (b) Je, ni lini Serikali itanza kuboresha sekta hiyo.
- (c) Je, Serikali haioni kwamba inapoteza mapato katika sekta hiyo.

**III. HOJA ZA SERIKALI:**

**Waziri wa Nchi, Ofisi ya Rais, Katiba, Sheria, Utumishi wa Umma na Utawala Bora:**

Mswada wa Kufuta Sheria ya Mwenendo wa Jinai Nam. 7 ya Mwaka 2004 na Kutunga Sheria Mpya ya Mwenendo wa Jinai na Kuweka Utaratibu Bora wa Upelelezi wa Makosa ya Jinai na Usikilizaji wa Kesi za Jinai na Mambo Mengine Yanayohusiana na Hayo – Kusomwa kwa Mara ya Pili.

Zanzibar,  
13 Februari, 2018.

**(Raya Issa Msellem)**  
**KATIBU WA BARAZA.**